

БАХТСИЗ ҲОДИСАЛАРДАН СУҒУРТАЛАШ БЎЙИЧА ОММАВИЙ ОФЕРТА

Мазкур Оммавий Оферта (кейинги ўринларда “Оферта” деб юритилади) “**MY-INSURANCE**” Акциядорлик Жамияти томонидан жисмоний шахсларнинг чекланмаган доирасига фуқароларнинг “Бахтсиз ҳодисалардан суғурталаш” суғурта маҳсулоти бўйича Офертада кўрсатилган шартларда Суғурталовчининг расмий веб-сайти ёки интернет хизмати (автоматлаштирилган ахборот тизими) орқали суғурталаш шартномасини тузиш бўйича йўналтирилган таклифидир.

Ушбу оферта суғурта полисини расмийлаштириш санасида амалда бўлган “Бахтсиз ҳодисалардан суғурталаш” маҳсулоти бўйича фуқароларнинг “Бахтсиз ҳодисалардан суғурталаш” мазкур офертада кўрсатилган шартлар асосида тартибга солинади. Ушбу оферта www.myinsurance.uz расмий веб сайтида мавжуд.

Ушбу Оферта шартларини қабул қилиш (акцепт) белгиланган суғурта мукофотини тўлаш билан амалга оширилади ва “Бахтсиз ҳодисалардан суғурталаш” суғурта маҳсулотини тузишга розилигини билдиради.

Суғурта қилдирувчи томонидан суғурта мукофоти тўланганлиги факти тасдиқлангач, унга “Бахтсиз ҳодисалардан суғурталаш” электрон суғурта полиси юборилади ва оферта тузилган ҳисобланади.

Ўзбекистон Республикаси Фуқаролик кодексининг 370-моддасига мувофиқ. Ушбу оферта шартларини сўзсиз қабул қилиш (акцепт қилиш) оммавий Оферта шартларини қабул қилиш ҳисобланади, бу қўйидагиларга:

- ушбу Оферта шартлари, шу жумладан унда кўрсатилган суғурта шартлари билан розилиги;
- суғурта полисини шакллантириш учун тақдим этилган шахсга доир маълумотларни қайта ишлаш, шу жумладан тизимлаштириш, сақлаш, фойдаланиш, тақдим этиш, тарқатиш, 5 (беш) йил муддатга суғурта фаолиятини амалга ошириш мақсадида маълумотларини автоматлаштирилган ёки автоматлаштирилмаган усулда қайта ишлаш йўли билан узатиш, шунингдек, ички ҳужжат айланишини таъминлаш бўйича суғурта шартларига кўра ўз зиммаларига олган мажбуриятларни бажариш учун уларни учинчи шахсларга ўтказишга розилигини ифодалайди.

Агар суғурта мукофоти тўлиқ тўланмаган бўлса, шунингдек, суғурталовчи томонидан акцептни бекор қилиш тўғрисидаги билдиришнома акцептга қадар ёки у билан бир вақтда олинган бўлса, акцепт олинмаган ҳисобланади.

“Суғурта шартномаси” ва “Суғурта полиси” атамалари бундан кейин матнда ушбу электрон ҳужжатга нисбатан бир хил маънога эга.

ОММАВИЙ ОФФЕРТА ШАРТЛАРИ АСОСИДА ТУЗИЛАДИГАН “БАХТСИЗ ҲОДИСАЛАРДАН СУҒУРТАЛАШ” СУҒУРТА МАҲСУЛОТИ БЎЙИЧА ФУҚАРОЛАРНИНГ “БАХТСИЗ ҲОДИСАЛАРДАН СУҒУРТАЛАШ” ШАРТНОМАСИНИНГ (СУҒУРТА ПОЛИСИНИНГ) АСОСИЙ ШАРТЛАРИ

1-БЎЛИМ. АТАМАЛАР ВА УЛАРНИНГ ТАЪРИФЛАРИ

1.1. Ушбу Офертада ишлатиладиган асосий атамалар.

Суғурталовчи – Ўзбекистон Республикаси Молия вазирлиги ҳузуридаги Суғурта бозорини ривожлантириш агентлигининг лицензияси асосида фаолият юритувчи «MY-INSURANCE» АЖ СТ.

Суғурта қилдирувчи – Суғурталовчи билан суғурта полисини тузган ва у бўйича суғурта мукофотини тўлаган жисмоний шахс.

Суғурталанган шахс—Суғурталовчи ва Суғурта қилдирувчи ўртасида тузилган суғурта полиси асосида мулкый манфаатлари ҳимояланган жисмоний шахс.

Суғурта ҳодисаси— тўсатдан, олдиндан англолмаган ва инсонларнинг хоҳишисиз юз берган, Суғурталанган шахснинг суғурта муддати мобайнида жароҳатланиши ёки ўлимига олиб келган ҳамда кўчмас мулк ва/ёки транспорт воситасига зарар келтирувчи бахтсиз ҳодиса.

Суғурта полиси – суғурта мукофоти тўланганидан сўнг, Суғурталовчи билан Суғурта қилдирувчининг келишувига биноан ҳамда унинг суғурта суммаси доирасидаги жавобгарлигини тасдиқловчи ҳужжат.

Суғурта суммаси – Суғурталовчи суғурта полиси бўйича Суғурта қилдирувчи олдидаги мажбуриятларини қоплаши учун пул суммасининг энг юқори ҳажми.

Суғурта мукофоти – Суғурта қилдирувчи суғурта полисига мувофиқ Суғурталовчи (унинг агенти)га тўлаши шарт бўлган суғурта учун ҳақ (бадал).

Суғурта товони – суғурта полисида назарда тутилган суғурта ҳодисаси юз бериши натижасида қўрилган зарарни тўлиқ ёки қисман қоплаш учун Суғурталовчи томонидан тўланадиган пул маблағлари суммаси.

Наф олувчи – ушбу оферта шартларига кўра, суғурта қилдирувчининг ўзи.

Ариза сўровнома – Суғурта қилдирувчининг расмий веб-сайтида ёки интернет хизматида суғурта шартномасини тузиш учун зарур бўлган шахсий маълумотларни киритиш орқали вақт режимида Суғурталовчи томонидан тўлдириладиган онлайн ариза шакли (электрон ариза). Электрон шаклда тўлдириладиган ариза шакли, агар у тўғри тўлдирилган бўлса, суғурта қилиш учун ёзма ариза тенгдир.

Оферта – бир ёки бир неча муайян шахсга юборилган, етарли даражада аниқ бўлган ва таклифни киритган шахснинг ўзини таклиф йўлланган ва уни қабул қиладиган шахс билан шартнома тузган деб ҳисоблаш ниятини ифода этадиган таклиф оферта ҳисобланади.

Суғурта ҳудуди – суғурта шартномасида (суғурта полисида) кўрсатилган суғурта амал қиладиган ҳудуд.

Суғурта жавобгарлиги вақти – туну кун.

Суғурта жавобгарлиги даври – бир йил. Суғурталовчининг суғурта товонини тўлаш бўйича жавобгарлиги суғурта мукофоти тўланган санадан кейинги куннинг 00.00 соатидан эътиборан кучга киради.

Франшиза (шартсиз) – Суғурта қилдирувчи кўрган зарарнинг Суғурталовчи томонидан ҳар бир суғурта ҳодисаси бўйича қопланмайдиган қисми.

2.БЎЛИМ. СУЎУРТА ОБЪЕКТИ ВА СУБЪЕКТЛАРИ

2.1. Суғурта объекти бўлиб, суғурта полисининг амал қилиши даврида бахтсиз ҳодиса натижасида Суғурталанган шахснинг соғлиғи ва/ёки ҳаётига белгиланган қалтисликлар оқибатида қўрилган зарарнинг Суғурталовчи томонидан тўлаб берилиши билан боғлиқ мулкӣ манфаатлари ҳисобланади.

2.2.Суғурта субъектлари бўлиб, Суғурталовчи ҳамда суғурта полисида Суғурта қилдирувчи ва Наф олувчи сифатида кўрсатилган шахслар ҳисобланади.

3-БЎЛИМ. СУЎУРТА ҲОДИСАЛАРИ. СУЎУРТА ҲОДИСАЛАРДАГИ ИСТИСНОЛАР.

3.1. Суғурта ҳодисалари бўлиб, қуйидаги ҳодисалар:

- Суғурталанган шахснинг йиқилиши ёки унинг устига бирор-бир предметни тушиши;
- кутилмаган бўғилиш, нафас олиш йўлларига тасодифан ёт жисмларнинг тушиши, вирусларнинг тушиши бундан мустасно;
- зарарли маҳсулотлар ёки моддалар оқибатида жиддий заҳарланиш (зарарли ўсимликлар, кимёвий моддалар, дори-дармонлар, сифатсиз озиқ-овқатлар);
- қўл-оёқлар ёки умуртқанинг кескин жисмоний зўриқиши туфайли мушак (мускул), пай, пайча ёки томирнинг қисман ёки бутунлай чўзилиши;
- куйиш, совуқ уриши, чўкиш, электр токи уриши;
- учинчи шахсларнинг тажовузи ва/ёки ҳайвонларнинг ҳамла қилиши;
- табиӣ офатлар сабабли Суғурталанган шахснинг соғлиғига зарар етиши натижасида:
- *Суғурталанган шахснинг вақтинчалик меҳнатга лаёқатсизлиги;*
- *Суғурталанган шахсга 1 ёки 2 гуруҳ ногиронлиги белгиланиши;*
- *Суғурталанган шахснинг вафоти* юз бериши ҳисобланади.

3.2.Ушбу Офертага кўра, қуйидаги ҳолатлар **суғурта ҳодисаси** деб ҳисобланмайди ва жавобгарлик олиб борилмайди:

- Суғурталанган шахснинг қасддан жиноят содир этиши натижасида тан жароҳат олиши ёки вафот этиши;
- Суғурталанган шахснинг суғурта ҳодисаси ҳисобланмаган ҳолат натижасидаги вақтинчалик меҳнатга лаёқатсизлиги, ногиронлиги ёки вафот этиши;
- ўзининг бирор аъзосини қасддан жароҳатлаши;
- ўз-ўзини ўлдиришга суиқасд қилиши;
- ВИЧ-инфекцияланиш, наркотик ва психотроп моддаларини истеъмоли туфайли касалланишлар ва ўлими;
- фуқаролик ва ҳарбий тўнтаришларда, халқ кўзғолонларида қатнашиши натижасидаги ҳодисалар;
- ҳомиладорлик, туғиш ва туғруқдан кейинги бола парвариши туфайли меҳнатга лаёқатсизлиги;
- бемор оила аъзоси, касал (ногирон) ва соғлом болани парваришlash туфайли вақтинчалик меҳнатга лаёқатсизлиги;
- санатория-курортда даволаниш учун касаллик варақасини очтириш.

4-БЎЛИМ. СУҒУРТА ПУЛИ, ФРАНШИЗА СУҒУРТА МУКОФОТИ, УНИ ТЎЛАШ ТАРТИБИ

- 4.1. Суғурта пули – бу суғурта шартномаси (суғурта полиси) бўйича Суғурталовчи ўз мажбуриятларини бажариш учун жавобгар бўлган пул миқдори.
- 4.2. Суғурта пули миқдори Суғурта қилдирувчи ва Суғурталовчи ўртасидаги келишув билан белгиланади ва суғурта шартномасида (суғурта полисида) кўрсатилади.
- 4.3. Суғурта шартларига кўра франшиза қўлланилмайди.
- 4.4. Суғурталовчи суғурта полиси бўйича тўланиши лозим бўлган суғурта мукофоти миқдорини ҳисоблашда ўзи томонидан тасдиқланган, суғурта хавфининг хусусиятини, суғурта мажбуриятларининг ҳажмини ва муддатини ҳисобга олган суғурта таърифларини қўллайди.
- 4.5. Суғурта мукофоти миқдори реал вақт режимида Суғурталовчининг веб сайтида кўрсатилади ва Суғурта қилдирувчи томонидан тўлов тизими операторлари ёрдамида Суғурталовчининг ҳисоб-китоб ҳисобварағига пул маблағларини ўтказиш йўли билан бир вақтнинг ўзида тўланади.
- 4.6. Суғурта қилдирувчи томонидан суғурта мукофотини тўлаш факти бир вақтнинг ўзида унинг ушбу офертанинг барча шартларига розилигини тасдиқлайди.
- 4.7. Ўзаро ҳисоб-китобларнинг валютаси Ўзбекистон Республикасининг миллий валютаси – “Сўм” дир.

5-БЎЛИМ. СУҒУРТА ШАРТНОМАСИ ВА УНИНГ АМАЛ ҚИЛИШ МУДДАТИ

- 5.1. Суғурта шартномаси 1 (бир) йилдан ортиқ бўлмаган муддатга тузилиши мумкин. Суғурта шартномаси(суғурта полиси)нинг амал қилиш муддати “Бахтсиз ҳодисалардан суғурталаш”нинг амал қилиш муддатидан ошмаслиги (ёки уни режелаштирилган алмаштириш давридан) керак.
- 5.2. Суғурта полиси Суғурта қилдирувчи суғурта мукофотини тўланган пайдан эътиборан кучга киради ва полисда кўрсатилган суғурта муддати тугагунга қадар амал қилади. Суғурта муддати суғурта мукофоти олинган кундан бошлаб кейинги куннинг соат 00:00 да бошланади ва суғурта полисида кўрсатилган суғурта даврининг тугаш санасигача (ҳар икки санани ҳам ҳисобга олган ҳолда) давом этади.

6-БЎЛИМ. СУҒУРТА ШАРТНОМАСИ (СУҒУРТА ПОЛИСИ)НИ БЕКОР ҚИЛИШ

- 6.1. Суғурта шартномаси (суғурта полиси) қўйидаги ҳолларда бекор қилинади.
 - а) суғурта муддати тугаганда;
 - б) суғурталовчи ўз мажбуриятларини тўлиқ бажарганда;
 - в) Суғурта қилдирувчининг суғурта шартномаси (суғурта полиси)дан воз кечса;

- г) суғурта шартномаси (суғурта полиси)ни Суғурта қилдирувчи ва Суғурталовчи ўртасидаги келишувга биноан бекор қилиш;
- д) агар суғурта шартномаси (суғурта полиси) кучга киргандан кейин суғурта ҳодисаси юзага келиши эҳтимоли йўқолган бўлса ва суғурта ҳодисасидан ташқари бошқа ҳолатлар туфайли суғурта хавфининг мавжудлиги тўхтатилган бўлса;
- е) Суғурта қилдирувчининг вафоти;
- ё) Ўзбекистон Республикаси қонун ҳужжатларида, суғурта Қоидаларида ва Офертада назарда тутилган бошқа ҳолларда.
- 6.2. Суғурта шартномаси бекор қилинганда томонларнинг ўзаро ҳисоб китоблари қуйидаги тартибда амалга оширилади.
- 6.1-бандида назарда тутилган асослар бўйича суғурта шартномаси (суғурта полиси) бекор қилинганда суғурта мукофоти қайтариб берилмайди.

7-БЎЛИМ. ТОМОНЛАРНИНГ ҲУҚУҚ ВА МАЖБУРИЯТЛАРИ

7.1. Суғурталовчининг мажбуриятлари:

- а) суғурта ҳодисаси юз берган тақдирда, ушбу Офертада кўрсатилган муддатда суғурта тўловини амалга ошириш;
- б) Суғурта қилдирувчи ва унинг мулкӣ ҳолати тўғрисидаги маълумотларни, агар бу Ўзбекистон Республикасининг қонун ҳужжатларига зид бўлмаса, ошкор қилмаслик;
- в) Суғурталовчининг илтимосига биноан суғурта масалалари бўйича маслаҳат бериш;

7.2. Суғурталовчи қўйидаги ҳуқуқларга эга:

- а) суғурта шартномаси(суғурта полиси)ни ҳақиқӣ эмас деб топишни ва амалдаги қонун ҳужжатларида назарда тутилган ҳақиқӣ эмаслик оқибатларини қўллашни талаб қилиш, агар Суғурта қилдирувчи шартномани тузишда (полисни беришда) била туриб Суғурталовчига нотўғри маълумотларни тақдим этган бўлса;
- б) агар Суғурта қилдирувчи Қоидалар ва ушбу таклифда белгиланган мажбуриятларни бажармаган ёки лозим даражада бажармаган бўлса, суғурта товонини тўлашдан бош тортиш;
- в) Қоидаларда, суғурта шартномаси (суғурта полиси)да, ушбу Офертада ва Ўзбекистон Республикаси қонун ҳужжатларида назарда тутилган бошқа ҳаракатларни амалга ошириш;

7.3. Суғурта қилдирувчининг мажбуриятлари:

- а) ушбу Оферта шартларига, Қоидаларига ва суғурта шартномаси (суғурта полиси)га риоя қилиш;
- б) суғурта ҳодисаси юз бермаслиги учун унга боғлиқ бўлган барча чораларни кўриш;
- в) ушбу суғурта шартнома (суғурта полиси) тузилаётганда Суғурталовчига таваккалчилик даражасига таъсир этувчи омилларни аниқлаш учун муҳим бўлган ишончли маълумотларни етказиш;

7.4. Суғурта қилдирувчи қуйидаги ҳуқуқларга эга.

- а) Суғурта Қоидалари ва ушбу Оферта билан танишиш;
- б) Суғурталовчидан суғурта шартномаси (суғурта полиси) бўйича мажбуриятларни бажаришни талаб қилиш;
- в) Ушбу Оферта, Суғурта Қоидалари ва Ўзбекистон Республикаси қонунчилигига мувофиқ суғурта шартномаси(суғурта полиси)ни муддатидан олдин бекор қилиш;
- г) Қоидалар, суғурта шартномаси (полиси), ушбу Оферта ва Ўзбекистон Республикаси қонун ҳужжатларида назарда тутилган бошқа ҳаракатларни амалга ошириш;

8-БЎЛИМ. СУЎУРТА ТОВОНИНИНГ МИҚДОРИ ВА ТЎЛОВИ

8.1. Суғурта товони Суғурталовчи томонидан Суғурталанган шахс ёки унинг меросхўрига суғурта мукофоти - суғурта полисида белгиланган миқдор ва шартларда тўланган тақдирда тўлаб берилади.

8.2. суғурта ҳодисаси юз берганда, суғурта товонини олиш учун Суғурталовчига қуйидаги ҳужжатлар тақдим этилиши керак:

- ўрнатилган шаклдаги ариза;
- суғурта полиси асл нусхаси (полис ёзма шаклда расмийлаштирилганда);

- шахсни тасдиқловчи ҳужжат (паспорт) нусхаси;
- бахтсиз ҳодиса юз берган вақтдан эътиборан 3 (уч) иш куни ичида берилган, шунингдек суғурта ҳодисасининг санасини тасдиқловчи тиббий ҳужжатлар (касаллик варақасининг нусхаси, даволанишнинг давомийлиги ҳақида маълумотнома, ТМЭЖ хулосасининг нусхаси, ўлим тўғрисидаги гувоҳнома нусхаси);
- зарурат бўлганда, Наф олувчининг шахсини тасдиқловчи ҳужжат ва мерос ҳуқуқининг кучга кирганлигини тасдиқловчи ҳужжат.

8.3. суғурта ҳодисаси натижасида суғурта товони ўрнатилган суғурта суммасига нисбатан қуйидаги фоиз миқдорларида тўлаб берилади:

- Суғурталанган шахс вақтинчалик меҳнатга лаёқатсиз бўлиб қолса, суғурта суммасининг **2,5 фоизи**;

- Суғурталанган шахсга ногиронлик белгиланса:

- а) I гуруҳ учун суғурта суммасидан – **75 фоиз**;

- б) II гуруҳ учун суғурта суммасидан – **50 фоиз**;

- Суғурталанган шахснинг ўлими юз берганда, суғурта суммасининг **100 фоизи**.

8.4. Суғурталанган шахсга суғурта товони уларнинг меҳнатга лаёқатсизлиги, ногиронлиги ёки ўлими суғурта ҳодисаси юз берган кундан эътиборан бир йил давомида юз берса ва тўғридан-тўғри суғурта ҳодисасининг оқибати ҳисоблансагина тўлаб берилади.

8.5. Суғурталанган шахс томонидан вақтинчалик меҳнатга лаёқатсизлик бўйича суғурта товони олингандан сўнг унга ногиронлик белгиланган ёки ўлим юз берган тақдирда Суғурталанган шахсга ўлим ва ногиронлик бўйича белгиланган суғурта суммаси ва олинган суғурта товони ўртасидаги фарқ тўланади.

8.4.6. Суғурталанган шахснинг ўлиmidан сўнг Наф олувчи унга тегишли суғурта товонини олишга улгурмай туриб, вафот этса, у ҳолда Суғурталанган шахснинг ўлими ҳолати бўйича суғурта товони ушбу Наф олувчининг меросхўрларига тўлаб берилади.

8.7. Барча суғурта ҳодисалари бўйича суғурта товонлари йиғиндиси полисда белгиланган суғурта суммасидан ошиб кетиши мумкин эмас. Суғурталанган шахсга вақтинчалик меҳнатга лаёқатсизлик ёки ногиронликнинг белгиланиши бўйича суғурта товони тўлангандан сўнг, Суғурта қилдирувчи суғурта суммасини тўлиқ ҳажмда тиклаши зарур.

8.8. Суғурта қилдирувчининг суғурта товонини тўлашни рад этиш тўғрисидаги қарори Суғурта қилдирувчига суғурта товонини тўлаш тўғрисидаги ариза берган кундан бошлаб 15 (ўн беш) кундан кечиктирмай хабардор қилиниши ва рад этишнинг асослантирилган сабабларини ўз ичига олиши керак.

9-БЎЛИМ. БОШҚА ШАРТЛАР.

9.1. Ўз зиммаларига олган мажбуриятларини бажармаганликлари ёки лозим даражада бажармаганликлари учун томонлар Ўзбекистон Республикасининг амалдаги қонунчилигига мувофиқ жавобгар бўладилар.

9.2. Полис ва ушбу Офертада назарда тутилган ёки улар билан боғлиқ масалалар бўйича, шу жумладан уларни бажариш ва бузиш билан боғлиқ низолар, даъволар ёки келишмовчиликлар юзага келган тақдирда, томонлар уларни музокаралар йўли билан ҳал қилиш чораларини кўрадилар.

9.3. Агар томонлар музокаралар орқали тинч йўл билан келишмаса, Суғурта шартномаси (суғурта полиси) тузилиши (расмийлаштирилиши), ўзгариши, тугатилиши, бекор бўлиши, ҳақиқий эмаслиги, тузилмаганлиги(тўлиқ ёки қисман) билан юзага келган ёки келиб чиқадиган барча низолар, келишмовчиликлар, талаблар ва даъволар Суғурталовчининг ихтиёри билан фуқаролик ишларининг судга тааллуқлилиги ва судловга тегишлилигига мувофиқ Ўзбекистон Республикасининг амалдаги қонунчилигига кўра ҳал этилади. Даъво аризаси билан туманлараро судига ёки Ҳакамлик судига мурожаат қилишни танлаш ҳуқуқи Суғурталовчида қолади.

9.4. Электрон ҳужжат айланиши тўғрисидаги Ўзбекистон Республикаси Қонунига мувофиқ Томонлар Суғурта оидалари ва ушбу Оферта (ариза сўровнома, суғурта шартномаси, суғурта полиси, сёт-фактура, актлар, сертификатлар, ҳужжатлар ва бошқалар) доирасида

электрон шаклда тузилган барча ҳужжатларни келишиб оладилар ва юридик кучини тан оладилар ва уларни қоғоздаги ҳужжатларга тенглаштирадиган, қўлда ёзилган имзо билан имзоланган ва тегишли Томоннинг муҳри билан тасдиқланганлигида ишонч билдирадилар, агар ушбу электрон ҳужжатлар операторлардан бири томонидан қайта ишланган ва агар улар Давлат солиқ қўмитаси маълумотларига кўра электрон ҳисоб варақ-фактуралар ва айланмаси тизим орқали (ушбу фаолият билан шуғулланиш учун рухсат олган электрон ҳужжатлар учун рухсат олган ахборот воситаси) юборилган бўлса.

9.5. “MY-INSURANCE” АЖ СТнинг интернет ахборот тармоғидаги расмий сайти: www.myinsurance.uz Суғурталовчининг расмий веб-сайтидан Суғурта қилдирувчи ушбу ахборот тизимининг оператори бўлган Суғурталовчи ўртасида электрон шаклда маълумотлар алмашинувини таъминлайдиган ахборот тизими сифатида фойдаланиш мумкин, шу жумладан суғурта полисни тузиш, хулоса қилиш, ўзгартириш, муддатидан олдин тугатиш тўғрисидаги ариза, суғурта ҳодисаси юз берганлиги тўғрисида хабар бериш, суғурта товони тўлаш тўғрисидаги ариза, кўриб чиқиш босқичи ва натижалари тўғрисида маълумот юбориш; суғурта товонини амалга ошириш тўғрисидаги маълумотларни ўз ичига олади.

Суғурта ҳодисаси белгиларига эга бўлган ҳодисалар юз берган тақдирда, сиз Офертада кўрсатилган телефон орқали воқеа ҳақида хабар беришингиз ёки “MY-INSURANCE” АЖ СТнинг энг яқин офиси (филиали)га мурожаат қилишингиз керак бўлади.

Филиалларнинг манзиллари, телефонлари ва иш вақти Суғурталовчининг расмий веб-сайтида кўрсатилган.

Суғурталовчининг реквизитлари:

Тўлиқ номланиши:

“MY-INSURANCE” АЖ СТ

2022 йил 25 февралдаги СФ серия 00037-сонли

Ўзбекистон Республикаси Молия вазирлиги ҳузуридаги Суғурта бозорини ривожлантириш агентлигининг лицензияси

Почта манзили: Ўзбекистон Республикаси, 100015, Тошкент,

Миробод тумани, Кичик Миробод кўчаси, 95 уй

Тел: 71 205-19-19

Х/р:

Банк:

Банк коди:

СТИР:

ИФУТ:

Расмий веб-сайт: www/myinsurance.uz

Электрон почта манзили: info@myinsurance.uz